

ODLUKA

**O NAKNADAMA I DRUGIM PRAVIMA OPĆINSKIH VIJEĆNIKA I ČLANOVA RADNIH TIJELA
OPĆINSKOG VIJEĆA STARI GRAD SARAJEVO**

I. OSNOVNE ODREDBE

Član 1.

(Sadržaj Odluke)

- (1) Ovom Odlukom utvrđuju se pravo, visina i uvjeti za ostvarivanje mjesečne novčane naknade za vršenje vijećničke funkcije i pravo na druge naknade i troškove koji nastanu u vršenju vijećničke funkcije vijećnika u Općinskom vijeću Stari Grad Sarajevo (u daljnjem tekstu: vijećnik);
- (2) Pravo na naknadu predsjednicima klubova vijećnika, odnosno njihovih zamjenika, koji sudjeluju u radu Kolegija Općinskog vijeća Stari Grad Sarajevo (u daljnjem tekstu: član Kolegija);
- (3) Pravo na naknadu troškova, odnosno izgubljene zarade, predsjednicima i članovima radnih tijela Općinskog vijeća Stari Grad Sarajevo (u daljnjem tekstu: radna tijela).
- (4) Lica iz stava 1, 2. i 3. ovog člana, pravo na mjesečnu naknadu, ostvaruju tokom cijele kalendarske godine.

Član 2.

(Period ostvarivanja prava)

- (1) Prava utvrđena ovom Odlukom, vijećnici ostvaruju za vrijeme trajanja vijećničkog mandata.
- (2) Članovi Kolegija ostvaruju prava utvrđena ovom Odlukom do razrješenja dužnosti, a najduže za period trajanja mandata Općinskog vijeća.
- (3) Predsjednici i članovi radnih tijela ostvaruju prava utvrđena ovom Odlukom do razrješenja dužnosti, a najduže za period trajanja mandata Općinskog vijeća.

Član 3.

(Izvor sredstava)

Novčana sredstva za ostvarivanje prava iz člana 1. ove Odluke osiguravaju se u Budžetu Općine Stari Grad Sarajevo (u daljnjem tekstu: Općina).

II. STALNA MJESEČNA NOVČANA PRIMANJA

Član 4.

(Paušal)

(1) Vijećniku, za rad u Općinskom vijeću, utvrđuje se paušalna mjesečna naknada na osnovu koeficijenta 3,52 od utvrđene osnovice za plaće državnih službenika u Općini.

(2) Članu Kolegija, za rad na sjednici Kolegija, utvrđuje se paušalna mjesečna naknada na osnovu koeficijenta 0,67 od utvrđene osnovice za plaće državnih službenika u Općini.

(3) Predsjedniku i članu radnog tijela, za rad na sjednici radnog tijela, utvrđuje se paušalna mjesečna naknada na osnovu koeficijenta utvrđenog u stavu 2. ovog člana.

Član 5.

(Način utvrđivanja prava na paušal)

(1) Vijećnik je obavezan da najavi svoj izostanak sa zakazane sjednice Općinskog vijeća, odnosno isti opravda pismenim dokazom, najkasnije 3 (tri) dana nakon održane sjednice. Opravdanim izostancima smatraju se izostanci u sljedećim slučajevima:

- bolest vijećnika ili člana porodice,
- smrtni slučaj u porodici,
- stupanje u brak,
- porodijsko odsustvo,
- službeno putovanje,
- učešće u radu drugih organa ili tijela, kada je to u interesu Općine,
- kao i u drugim slučajevima, ukoliko to Kolegij Općinskog vijeća utvrdi opravdanim.

(2) U slučaju nepoštivanja obaveze iz stava (1) ovog člana kao i samovoljnog napuštanja sjednice i ugrožavanja kvoruma, naknada iz člana 4. stava 1. ove Odluke se umanjuje za 50% uz primjenu odredaba člana 11. i 12. i 21. Etičkog kodeksa nosilaca izvršnih funkcija, izabranih zvaničnika i savjetnika u Općini Stari Grad Sarajevo (broj 02-49-112/09 od 24. februara 2009. godine).

(3) Član Kolegija Općinskog vijeća nema pravo na naknadu, ukoliko izostane sa zakazane sjednice Kolegija.

(4) Predsjednik i član radnog tijela nema pravo na naknadu, ukoliko, iz bilo kojeg razloga, izostane sa zakazane sjednice radnog tijela.

(5) U slučaju da se u jednom isplatnom periodu održi više sjednica Kolegija, odnosno radnih tijela, naknada iz člana 4. stav 2. i 3. ove Odluke, će se isplaćivati procentualno, a na osnovu prisustva zakazanim sjednicama, vodeći računa o mogućim izostancima.

Član 6.

(Evidencija i obračun naknada)

(1) Visina naknada iz člana 4. ove Odluke utvrđuje se tako što se vrijednost koeficijenta navedenog u istom članu, pomnoži sa osnovicom za plaće državnih službenika i isplaćuje na osnovu evidencije o učešću u radu.

(2) Evidenciju o učešću u radu, odnosno priloženim pismenim dokazima o opravdanosti odsustva vijećnika sa sjednice Općinskog vijeća, vodi Stručna služba Općinskog vijeća, i istu blagovremeno dostavlja Službi za finansije i po potrebi, Mandatsko-imunitetskoj komisiji Općinskog vijeća koja će, u skladu sa odredbama iz stava (2) prethodnog člana, izricati odgovarajuće sankcije.

III. DRUGA PRAVA VIJEĆNIKA U OPĆINSKOM VIJEĆU

Član 7.

(Socijalno osiguranje)

(1) Vijećnik ostvaruje pravo na odgovarajuće socijalno osiguranje (doprinos za zdravstveno osiguranje i doprinos za penziono osiguranje), ukoliko ovo pravo ne ostvaruje po drugom osnovu.

(2) Način ostvarivanja odgovarajućeg socijalnog osiguranja primjenjivat će se prema uvjetima dobrovoljnog osiguranja.

IV. ZAVRŠNE ODREDBE

Član 8.

(Prestanak važenja drugih propisa)

Stupanjem na snagu ove Odluke prestaju da važe odredbe Odluke o naknadama općinskim vijećnicima i članovima stalnih i povremenih radnih tijela Općinskog vijeća Stari Grad Sarajevo ("Službene novine Kantona Sarajevo", broj 16/05, 20/05, 4/06, 15/07 i 6/08).

Član 9.

(Stupanje na snagu)

Ova Odluka stupa na snagu sa danom donošenja, a naknadno će biti objavljena u "Službenim novinama Kantona Sarajevo".

Broj 02-49-430/10

Juli 2010. godine

Sarajevo

Predsjedavajući

Općinskog vijeća

Stari Grad Sarajevo

Prof. dr. **Rizah Avdić**, s. r.